




南京中医药大学图书馆版权所有

積聚動氣兼傷寒論。

問積聚動氣三者皆腹中固疾其受病之原有異否
曰積聚寒氣容於五藏之膜血氣不行所生聚則
汁沫積于六府之廓溢畜不瀉而成動氣爲無形
之氣受病所以忽有忽無與積聚之有形質者不
同。

問有動氣之人不可汗下其有積聚者亦有所禁乎
曰動氣是脾衰氣失統運之候汗下先動脾津故
爲切禁非若積聚初起之可用攻擊者若久病氣
衰亦必兼補而攻始應嘗見有積聚誤汗則津液
外泄固結隨表藥而上升者誤攻則氣隨下脫陰

邪無制而愈逆者亦有下之便利不止水道瀉痛如淋者內經所謂此風根也不可動動之爲水瀉瀉之病是也。

問已誤汗下者爲之奈何

曰誤汗虛陽擾亂而氣上衝或欬吐眩暈或心煩惡寒者通宜五苓散去朮多加棗仁降歛之誤下虛陽不禁而氣下奪或身熱踰臥或下利汗出者金匱大建中湯吳茱萸湯附子理中湯加桂苓急溫其裏則虛熱不治自息矣。

問三證之表法

曰積之兼表者以溫血爲主如甘草乾薑湯加桂

枝薑棗感冒則香蘇散葱白香豉湯聚之兼表者以絛飲爲先如小半夏茯苓湯加桂枝薑棗或四七湯芎蘇散之類動氣之兼表者以安中爲務如小建中黃耆建中最當其若積之芍藥助陰有礙聚之膠飴助濕難投也若營傷無汗者則合香蘇凡表藥皆升而香蘇獨降也

問三證之和法

曰和法總不出小柴胡然於本方中宜除去苓苓積加細辛乾薑聚加茯苓橘皮動氣但去黃耆加木香桂心之類又須知中虛挾邪之人胸多寒熱不和常有痞滿之患當於三瀉心湯黃連湯加復

代赭石湯選用若待脹滿喘急而治難爲力矣。

問三者治失其宜而見裏證當何法以除之。

曰大約中氣久虛及有宿病之人先用導法如積用蜜餞加川烏末導聚用豬膽加薑汁導動氣用醬薑導若裏熱勢劇不下必死者積用大黃附子湯聚用厚朴七物湯動氣理中湯去水加桂苓薑製大黃微利之庶免陰氣逆上之虞至於伏氣發溫雖有積氣當涼膈散大柴胡及三黃石膏加大黃急下之以熱毒從內而發裏先受邪所以不禁內奪非導法所能蕩滌其熱也。

疝證兼傷寒論

問七疝之名各有不同且所治諸藥多寒熱錯雜之屬何意

曰疝瘕之證因內經有任脉爲病男子內結七疝句致元方子和各立七疝之名咸非內經所謂內經以邪留諸經腹中引急諸痛通名曰疝近世雖以單丸之病爲疝外此皆置而不論也詳經中雖有藏府諸疝統而言之不離任與厥陰蓋肝則任之生化任之陰氣爲疝肝之陽氣爲風故治疝多用風藥觀金匱大烏頭煎烏頭桂枝湯並不用附而用烏義可見矣夫疝之受病多由寒熱不和所

以經脈緩急即使濕熱必因寒束而痛伏寒必由
火鬱而發但須詳偏寒則從寒偏熱則從熱如烏
頭枳子湯治本寒標熱少腹中緩急痛引心脇之
痛蒼朮五苓加棟實蘘皮湯治癰癰脹墜之疝皆
寒爲熱引熱爲寒導之法然其證各有所挾必非
空氣作痛故有血則兼攻血有積則兼攻積能識
此義方可與言治疝諸法

問疝證多兼風治表證自可無慮不識表證有所禁
否

曰在無客邪時治其本病非兼風藥若一有風寒
則表藥反難恣用常見有病瘕人服羌防柴葛之

煩升動陰邪每致喘脹嘔呃善治者必兼桂苓
實等味于香蘇芎蘇小建中葱白香豉諸方中則
陳氣不致于上逆若有陳寒必加烏附細辛薑桂
之屬裏氣不溫外邪必不得散倘見裏證切禁苦
寒峻攻與積聚等法無異

林氏張勳寒翁



淋濁兼傷寒論

問諸淋皆腎虛膀胱受熱。何古方中多有用熱藥者。
曰淋之爲病。小便如粟狀。方書分膏石氣血勞五
種。丹溪謂諸淋皆忌補氣。氣得補而愈。脹血得補
而愈。瀉熱得補而愈甚。惟勞淋則宜補氣。但須兼
利州都。則水道之熱方化。然多有腎虛囊中受寒
者。證必先寒。凜而後溲。便血淋亦有屬寒者。其色
必瘀晦。無光不鮮。不紫是皆膀胱虛寒。陽不化。陰
之候。觀金匱治小便不通有水氣而渴。用栝蒌瞿
麥丸消渴之飲。一十溲一斗。溲上如脂。用腎氣丸
一。屬腎氣不開。一。屬腎氣不闔。並用附子以司開

闔之權豈可槩用膀胱受熱乎。

問濁帶之證。丹溪謂胃中濁痰滲入膀胱而所下常有赤色者何。

曰。肥人固多濁帶而瘦人亦恆患此。且多有陰中不潔。敗濁襲人精竅者。辨治之法。大約以乾。掩。竅。端者爲火。不乾。掩者爲濕。小水赤。濇而痛。或濁有赤色者爲小腸濕熱。小水不赤。不痛而所以色白或滲利轉甚者爲脾氣不陷。莖中癢痛而發寒熱。或有結痛者爲毒邪所侵。若此種種詎止痰濕一端而已。

問淋濁皆前陰之疾。設有是證而更傷于寒。其治亦

相類否

曰淋爲精病濁爲氣病。安得相類。精病則宜黃耆建中熱加丹皮寒加附子。下消走精二味並加。精滑不止。或夢中走泄。桂枝加龍骨牡蠣湯。氣病則宜香蘇散。濕加苓半木香熱加葱豉滑石虛加升柴參耆。水氣上逆而渴。五苓散灌吐取汁最捷。此皆治淋濁兼外感之良法。復有兼雜他證者。如茗溪田孟先久患膏淋。溲中有塊如橘核狀。外裹血膜中包黃水。乃醉後入房酒濕流入腎藏所致。遍服利水固精藥不應。溽暑中忽然增寒發熱喘促悶亂腰背煩疼。脉見浮濡沉細是淋久陰傷暑氣。

襲虛之證。先與生料六味加川萆薢作湯下消暑
丸。次用前湯送木車豬苓丸。八服諸證霍然。左右
孝廉蔡允恭。嚴冬患濁。小腹結硬。大發寒熱。顛痛
自汗。脉得左大右濇。兩尺緊細。乃風痰毒邪入犯
厥陰之經。與當歸四逆湯煎服。覆汗而熱。除卽以
前方除去通草薑棗加蠟梢陵鯉甲麝臍丸服之。
令作汗。數日便消痛止。但濁猶未淨。或令嚼生銀
杏而痊。世人有語銀杏濇精。殊不知其專滌敗濁
也。

瀉痢兼傷寒論

問泄瀉皆脾胃之疾。何內經有風寒濕熱之泄。且治瀉多有兼用風藥者。

曰六氣中除躁氣外。皆能爲瀉。其邪咸從經絡入犯中土。所以治瀉多用風藥。卽內因之瀉亦常兼用。如脾虛氣陷作瀉。用補中益氣必加羌黃以燔濕。乃正治也。其五更腎瀉。昔人皆謂腎虛而用四神五味補斂之藥。服之未必悉應。殊不知此皆酒濕入傷水藏所致。余嘗用金匱澤瀉湯加薑辛五味。薤白之屬。往往獲效。又有脾腎俱虛之瀉。若小便清利。倍常則泄瀉大作。此降泄多而升氣少。切

不可用苓澤之類。且關門失守。腎氣空虛。亦不得用升柴等藥。惟宜附子理中。加紫石英。赤石脂。細豆以固斂之。如素有酒積。食積。痰濕。水飲。或積兼氣滯。嘔瀉而兼感外邪者。並宜香蘇散為主。酒積合澤瀉湯。食積合平胃散。痰濕合二陳湯。水飲合五苓散。氣滯合四七湯。瀉證繁多。聊舉一二為例。餘可類推矣。

問滯下以通利爲務。若兼感風寒而與通利能無妨於表證乎。

曰利疾多患於夏秋。本無傷寒之理。然初秋常有非時暴寒。或久痢延至冬時。及休息痢多有兼外

感者既有表證自應救表但須審本病之新久
實或氣分受傷或血分受傷或氣血並傷參酌而
治可也夫痢之通利不過乘初起濕熱全盛時乃
爲相宜然在元氣虛人傷犯胃氣多有呃噦不食
下利不止而危者當知積滯原係腸中津液因氣
不統運而爲敗垢惟當宣通其氣則失統之敗垢
自下未傷之津液自安後重窘迫自除矣近世但
守痛隨利減一語槩以通利瀉氣之劑施之久痢
虛痢吾未見有得愈者況兼客邪爲治乎方書中
原有胃風湯治風毒下痢參蘇飲治下痢發熱白
頭翁湯治熱痢下重敗毒散治熱痢壯熱陽旦湯

治血痢身熱脈浮陰旦湯治血痢瘀晦腹痛當歸
四逆湯治下痢身熱手足清五苓散治下痢有熱
水道閉升麻葛根加犀角湯治下痢身熱發斑調
中飲治下痢胸前手足陰斑三奇湯治後重久痢
不除補中益氣湯治久痢元氣虛陷及瘧後病後
一切虛痢以上治痢湯則未嘗不用傷寒之法也
然非博聞強識者亦難以語此

問一人陰虛發熱下痢赤白至夜煩渴不寧或用涼
血攻積藥而死一人陰虛發熱下痢五色胸中常覺
饑狀得食則脹或用補中益氣而死一人陰虛發熱
下痢不食郭友三先生用豬苓湯黃連阿膠湯而痊